



UNIVERSITÄTS-  
BIBLIOTHEK  
PADERBORN

# Notitia Congregationum Et Tribunalium Curiae Romanæ

Plettenberg, Hunold

Hildesii, 1693

Cap. XVIII. De sacra Congregatione Cardinalium S. Cocilii Trid.  
interpretum.

---

[urn:nbn:de:hbz:466:1-63032](https://nbn-resolving.org/urn:nbn:de:hbz:466:1-63032)

*De S. Congr. interpr. Conc. Trid. 679*

*Die N. Mensis N. Anni N. fuit pu-  
blicata sententia coram populo in Eccle-  
sia N. & dictus N. publicè abjuravit,  
prout schedula sua abjuratonis.*

## CAPUT XVIII.

De Sacra Congregatione  
Cardinalium sancti Conci-  
lii Tridentini Interpre-  
tum.

S. I.

Institutio & Facultas hujus  
Congregationis.

*Pius IV. prohibuit edere commentaria ad De-  
creta Concilii Tridentini.*

*Idem instituit Congregationem 8. Cardinaliū  
pro executione Decretorum.*

*Huic concessit Pius V. ut posset decidere casus  
claros circa intelligentiam Concilii.*

*Sixtus V. concessit etiam facultatem dubia in-  
terpretandi circa reformationem morum.*

*Eamque habet privativè.*

u u

6. Inter-

6. Interpretatur decreta non solum in abstracto, sed etiam in concreto.
7. 8. & 9. Sixtus V. dedit illi varias facultates, etiam scribendi nomine Pontificis.
10. Constat Congregatio ex Cardinalibus, & Secretario, Quando & ubi habeatur.

## I.

**C**onfirmata Tridentino Synodo per Constitutionem Pii IV. *Benedictus DEUS*, prohibuit idem Pontifex Anno 1563. 7. Calend. Febr. ne ad Decreta Concilii edantur commentaria, prout olim fecerat ad Codicem Justinianus l. 1. c. de veter. jur. Enucl. §. *Nostram autem consummationem.*

2. Subinde instituit idem Pius IV. Congregationem octo S. R. E. Cardinalium, qui dicto Concilio interfuerant, ejusque sensum probè noverant, ut decreta Synodi per Officiales servanda curarent, & si quod dubium, aut difficultas aliqua in executione occurreret, ad Pontificem referrent. *Const. Alias nos edita 1564. 4. Non. Aug.*

3. Cum vero Successu temporis hæc Congregatio sæpe in rebus non dubiis ad Concilii tamen intelligentiam pertinentibus

tribus responsa dedisset, & dubitatum  
esset, an ad hoc facultatem haberet ob  
prohibitionem à Pio IV, factam, indul-  
sit primum Pius V, ut posset decidere  
casus, quos claros putaret, dubiis ad se  
remissis; Ac non multo post facultatem  
eidem concessit decidendi causas & con-  
troversas interpretationem Concilii  
concernentes, prout annotavit in libro  
Congregationis Cardinalis Caraffa apud  
Bagnanum *in c. Quoniam de Constit.*

4. Demum Sixtus V. in Bulla: *Im-*  
*mensa aeterni DEI* Anno 1587. n. Calend.  
Febr. impertitur facultatem eidem Con-  
cilio Cardinalium, consulto tamen Pon-  
tifici, interpretandi dubia & difficulta-  
tes occurrentes in his, quæ de morum  
reformatione, disciplinâ, & Ecclesia-  
sticis judiciis, aliisque similibus statuta  
sunt, reservatâ sibi & Successoribus suis  
interpretatione decretorum, quæ fidei  
dogmata concernunt.

5. Hanc interpretandi facultatem ha-  
bet privativè, cum nulla alia Congre-  
gatio se illi immisceat; At facultas exe-  
cutionis, vel observantiæ est cumulati-  
va cum aliis, puta cum Congregatione  
super negotiis Episcoporum & Regula-  
tium.

6. Interpretatur verò non tantum in abstracto decreta, & mentem Sacrae Synodi, sed etiam in concreto decidit casus particulares remittendo ad Iudices Ordinarios ea, quæ in facto consistunt.

7. Attribuit deinde Sixtus V. *cit. Const. 78. Immensa.* huic Congregationi alias facultates, nimirum Synodos Provinciales & Diocesanas in usum inducendi, ut hæ singulis, istæ tertio quovis anno celebrentur; Decreta Provincialium recognoscendi; Patriarcharum, Prælatum, Archi-Episcoporum & Episcoporum, qui limina Apostolorum visitant, postulata audiendi, & quæ ipsa Congregatio per se potest, expediendi, relatis ad Pontificem rebus gravioribus, ab hisque exposcendi statum Ecclesiarum, Cleri & populi illis subjecti, & discedentibus dandi ex formula præscripta literas testantes obitam per eos visitationem liminum Apostolorum.

8. Concessit quoque idem Pontifex Congregationi huic auctoritatem non solum in Urbe & statu Ecclesiastico, sed etiam in universo Christiano Orbe ordinandi ea, quæ pertinent ad divinum cultum propagandum, & more Christiani

ni populi componendos. *Sixtus citata  
Const. 74.*

9. Demum post has aliasque facultates eidem Congregationi à Sixto V. qui eam in stabilem & ampliorem formam instituit, dedit illi Gregorius XIV. per literas in forma Brevis auctoritatem nomine Pontificis scribendi. *Fagnanus loc. cit.*

10. Constat hæc Congregatio ex meritis Cardinalibus præter unum Prælatum, qui Secretarii Officio fungitur. Ex his Cardinalibus unus est Præfectus, qui cum Secretario subscribit literas & Decreta, ipsiusque Congregationis curam habet & directionem. Habetur hæc Congregatio vel singulis Septimanis, vel bis in Mense, prout negotia postulant die Sabbati, olim domi Cardinalis Senioris, nunc in Palatio Apostolico, & quandoque etiam coram ipso Pontifice.

§. 2.

An Declarationes hujus Concilii habeant vim legis universalis.

U. 3.

I. 6.

1. & 2. An declarationes hu jus Congregationis obtineant vim legis controvertitur.
3. Plurimæ declarationes sunt apocryphæ & rejectæ ad indicem librorum prohibitorum, ideo declarationes nil probant, nisi authenticæ producantur.
4. Si authenticæ sint, vim obtinent legis universalis.
5. Quia fiunt auctoritate Pontificis.
6. Qui facit eas suas.
7. Responsa Pontificum etiam in casu speciali faciunt jus universale.
8. Declarationes factæ ex consultatione Papæ faciunt jus universale.
9. Declarationes illæ sunt Apostolica & Papales.
10. Ideo mutari non possunt.
11. Et eas non observantes puniuntur.
12. Declarationes præcipiunt idem, quod lex declarata.
13. Habent vim declarativam antiqui juris.
14. Lex nova publicari debet, non legis declaratio.
15. Expressio loci & temporis requiritur in nova editione, non promulgatione legis.
16. Aliquæ declarationes videntur sibi contrariæ & non sunt.
17. Jurisdictio aliorum Judicum restricta est, non S. Congregationis.

I. Utrum

## I.

Utrum declarationes S. Congregationis Cardinalium Concilii Tridentini interpretum obtineant vigorem legis controvertitur à nonnullis maximè Theologis asserentibus, etsi hæc magnum habeant pondus authoritatis, earumque imprimis ratio habenda sit in dubiis & causis decidendis, esse nihilominus tantum doctrinales, nec standum illis necessario tanquam legi universaliter obliganti. Ita Thom. Sanchez de matr. tom. 3. l. 8. disp. 2. n. 10. Petrus de Ledesma in sum. tom. 1. de Sac. Pæn. c. 13. diffic. 7. Alphons de Vega in sum. to. 1. c. 62. casu 40. Villalobos alique nonnulli.

2. Alii contra DD. passim asserunt & tuentur declarationes Sacræ hujus Congregationis non esse solum doctrinales, sed decisivas vim legis habentes. Ita Nicolaus Garzias de benef. tom. 2. in prefat. Emanuel Rodriguez de regul. tom. 1. q. 11. art. 1. & 2. Ludovicus Miran. in Manual. Prelat. to. 2. quest. 26. art. 11. Jo. de Sales, de legibus. tr. 14. q. 97. disp. 21. sect. 12. Prosper Fagnanus in c. Quoniam de Const. Card. de Luca. Barbofa Jur. Eccles. l. 1. c. 4. num. 8. Ubi auctores pro hac sententia

tenentur



tentia facientes plenissima manu adducit.

3. Prænotandum hic declarationes, si-  
ve impressæ sint, siue manuscriptæ, quæ  
passim circumferuntur, quamplurimas  
esse apocryphas & falsas; Ideoque S.  
Congregatio die 27. April. 1621 de man-  
dato Gregorii XV. decrevit hujusmo-  
di declarationes indici librorum pro-  
hibitorum esse adjiciendas. Ac subin-  
de eadem hæc Congregatio jussu Urba-  
ni VIII. Anno 1631 præcepit hujusmodi  
declarationibus tam impressis & impi-  
mendis, quam manuscriptis nullam fi-  
dem esse in Judicio, vel extra illud à  
quoquam adhibendam, sed tantum illis  
quæ in authentica forma, solito sigillo  
& subscriptione Eminentissimi Cardina-  
lis Præfecti & Secretarii ejusdem Con-  
gregationis munitæ fuerint, uti testatur  
Antonius Diana *Resol. mor. p. 5. tract. 2. 1<sup>ra</sup>  
sol. 96.* His præmissis.

4. Dicendum omnino judico Declara-  
tiones istas à Cardinale Præfecto & Se-  
cretario subscriptas, ac consueto sigillo  
obsignatas, si producantur, vim legis  
obtinere universalis, & in utroque foro  
obligare.

5. Probatur primò: Declarationes  
illæ

illæ fiunt & eduntur auctoritate Pontificis. Ergo ut lex universalis omnes obligant. Antecedens patet 1. quia auctoritas declarandi Decreta Concilii Tridentini reservata fuit Sedi Apostolicæ per Pium IV. *cit. Const. Benedictus*, quam deinde Sixtus V. *Const. Immensa* impertitus est huic Congregationi; At vero cum Pontifex facultatem aliquam, maximè Sedi reservatam, tribuit alteri eam non habenti, tunc auctoritas illa intelligitur esse Apostolica. *c. Cum aliquibus de re script, in 6. c. Si cum, & c. Hi qui de præb. in 6.*

6. Patet secundo idem antecedens: Quemadmodum Justinianus Imp. olim postquam prohibuisset *l. 1. C. de vet. jur. obol. §. Nostram autem*, ne ad suum Codicem ederentur commentaria, dando deinde Prudentibus interpretandarum legum auctoritatem *l. c. §. His itaque declarat eorum studia ex principalibus constitutionibus profecta esse, & ut inquit §. Sed neque Tanquam à nostro digno ore profusa*, subjungens rationem: *Quia merito omnia nostra facimus, quibus auctoritatem impertimur.*

Concedendo ratione Sixtus V. concedendo

Con-

Congregationi illi facultatem interpretandi Decreta Concilii, quam Pius IV. Sedi Apostolicæ reservarat, declarat interpretationes & declarationes hujus Congregationis suas esse effectas, prout loquitur Bonifacius VIII. de provisione facta à Legato auctoritate ipsi à Sede concessa. *c. Si Apostolica de rescript. in 6.* Atque eam ob causam Congregatio hæc multoties inscribitur: *Tridentini Concilii Sanctissimi Domini nostri auctoritate, seu Apostolica Auctoritate interpretes.*

7. Consequentia constat ex iis, quæ dicta sunt capite 19. Introductionis ad Jus Canonicum, ubi probavi Rescripta Pontificis, & responsa eorum Auctoritate & nomine data etiam ad certas solum personas, & in casu speciali jus facere commune & universale. Quod confirmatur ex eo, quod auctoritas interpretandi dubia in rebus fidei, quam sibi Pontifex reservat, sit Apostolica, & faciat jus quo ad omnes. *c. 2. de juram. calum. c. Sunt quidam 25. q. 2.* Ergo & auctoritas interpretandi dubia, quæ spectant ad morum reformationem, & Ecclesiastica Judicia, erit Apostolica constituens

fituens jus universale. *Arg. s. Majores de Bap. Uniformis enim debet esse cujuslibet auctoritatis intellectus, ut inquit Glossa V. Tota auctoritas.*

8. Probatur 2. Conclusio: Declarationes, quæ fiunt ex consultatione Pontificis tantum acquirunt roboris firmitatem, ut jus constituent quo ad omnes. *Ex multa de voto.* Cum enim magistraliter solum interpretantur DD. Canones aut leges, non est necesse, ut consultent prius Principem. *l. unica C. de profec. in Urb. Constant. lib. 12.* Sed Declarationes illæ fiunt ex consultatione Pontificis, cum enim Sixtus V. facultatem dedit Congregationi Concilium interpretandi adjecit hanc clausulam: *Nobis tamen Consultis:* Imo sapissime habentur hæ Congregationes in præsentia Patris, & quotiescunque dubia nondum decisiva resolvuntur, hæc ad illum per Cardinalem Præfectum, vel Secretarium Congregationis referuntur, prout Paganus diu se observasse testatur.

9. Probatur 3. Gregorius XIV. dedit, ut dictum est, Sacræ Congregationi auctoritatem scribendi nomine Patris; Ego Rescripta ejus censenda sunt Papalia & Apostolica. *c. Cum aliquibus*

terpre-  
ius IV.  
declarat  
s hujus  
s, pro-  
provi-  
e ipsi à  
ript. in 6.  
tio hæc  
Conci-  
auctori-  
ate in-  
is, quæ  
onis ad  
escripta  
auctori-  
ertas so-  
jus fa-  
Quod  
ritas in-  
quam  
lica, &  
e juram.  
& au-  
æ spe-  
& Ec-  
a con-  
ituens

de Rescript. in 6. & c. Hi qui, de præb. in 6.  
 Et confirmat praxis, nam teste Garzia  
 de Benef. t. 1. in præf. hæc S. Congregatio  
 sic rescripsit cuidam Abbatissæ Messanensi:  
*Eadem ratio habenda est in his, que  
 scribuntur à Cardinalibus S. Congrega-  
 tionis Conc. Trid. nomine ipsius Congre-  
 gationis, ac si à Papa scripta essent.*  
 Jam vero Rescripta Papalia jus consti-  
 tuere universale ostendimus cap. 19. In-  
 troductionis ad Jus Canonicum. Ergo  
 & hæc Declarationes seu Rescripta S. Con-  
 gregationis vim juris & legis habebunt  
 universalis.

10. Hinc à nullo mutari vel corrigi  
 possunt hujusmodi Declarationes; Nec  
 à Sententia lata à S. illa Congregatione  
 appellari potest, sicuti non potest à sen-  
 tentia Senatorum. *c. Ecclesia 16. q. 1. l. 1.  
 ff. à quibus appell. non licet.* Ergo tanquam  
 sententia declaratoria obligat omnes,  
 non secus ac ipsa Constitutio. *c. fin. de  
 Constit.*

11. Atque hanc ob causam solet Con-  
 gregatio non solum præcipere, ut De-  
 clarationes observentur, sed etiam in  
 contumaces poenis & censuris Ecclesia-  
 sticis animadvertere, Expediuntur etiam  
 pro

pro observatione illarum Declarationum  
 Secretario Brevium literæ Apostolicæ,  
 ab Auditore Camera Monitoria, quæ  
 ne cunctatione Rota, Episcopi & Se-  
 nis Apostolicæ Nuncii, quin & S. R. E.  
 Cardinales, & de latere Legati susci-  
 piunt & exequentur. Constituunt er-  
 go Declarationes istæ Jus universale  
 ad omnes, licet factæ sint solum  
 instantiam solius, seu in casu par-  
 ticulari, ideoque non solum doctrina-  
 rias, sed etiam definitivæ sunt non secus  
 si ab ipso Pontifice editæ fuissent.

12. Objicitur primò: Declarationes  
 nihil præcipere aut prohibere, adeoq; nõ  
 obligare. *Præcipere aut prohibere illas  
 nem quod Lex & Decreta, quorum sunt  
 declarationes; Qualitates enim legis  
 declaratæ insunt declarationi. l. nihil ff.  
 Conju. cum emanc. liber. & Auth. de fil. ante  
 tal. Instrum. natis ad fin.*

13. Objicitur secundò: Obligationem  
 non oriri ex eo, quod ita Congregatio  
 declaravit, sed quod Concilium sic di-  
 posuerit, proindeque Declarationes  
 non habere vim juris. Resp. Licet De-  
 clarationes non habeant vim novi juris,  
 habent tamen vim declarativam antiqui  
 juris, ut sic & non aliter intelligendum  
 sit, atque ita alligari amplius non po-  
 terit

terit ignorantia, quæ subinde excusat  
*Navar. Conc. 7. de Regul.* Sicuti potuisset  
 ante Declarationem.

14. Objicitur Tertiò, Declarationes  
 illas non publicari, adeoque negligere,  
*Auth. ut factæ novæ const.* nam leges insti-  
 tuuntur cum promulgantur, firmantur,  
 cum moribus utentium approbantur.  
*c. In istis §. Leges dist. 4.* Idque etiam ob-  
 servari in Constitutionibus Apostolicis.  
*c. i. v. Solemniter editi de Postul. Prel. Resp.*  
 Quamvis solennitas publicationis requi-  
 ratur, cum novæ leges eduntur, prout  
 etiam observat S. Congregatio in De-  
 cretis quæ fecit per modum novæ legis,  
 ut patet in Decretis de Apostatis & eje-  
 ctis, de rebus Regularium non alienan-  
 dis aliisque, non tamen requiritur pu-  
 blicatio in Legis Declaratione, uti com-  
 munitè Canonistæ in præm. *Clement.* Nam  
 Legis Declaratio non inducit novum  
 jus. *Card. in Clem. S. Romanus de Præb.* Sed  
 manifestat, quod in lege latebat, insunt  
 enim Declarationes ipsis Legibus *l. 40. ff. de jur. Fisci.* adeoque qui declarat, quasi  
 ex spicis excutit grana, & frangit nu-  
 cem, ut nucleum ostendat.

15. Objicitur quartò: Declarationibus  
 S. Congregationis regulariter non appo-

tempus, nec locum, adeoque validas esse non posse; Invalidæ enim sunt Constitutiones Papales non continentes tempus & locum. *Proæm. Clem. V. Dat. Resp.* Expressio temporis & loci requiritur quidem in novæ Legis editione, non tamen in Legis editæ declaratione; Hæc enim retrotrahitur ad tempus conditæ legis, cui inest, & ab illius promulgatione vim habet obligandi. *l. Assé toto, dt Hæred. instit.*

16. Objicitur quintò: Quamplurimas declarationes esse sibi contrarias, adeoque vim obligandi non habere. *l. ubi re- gnantia ff. de R. J. Resp.* Multæ declarationes videntur sibi contrariæ, quæ tamen revera ob circumstantias mutatas tales non sunt. Si tamen re ipsa contrariæ sibi sint, posteriores derogant prioribus, *c. 1. de Const. in 6.* Cæterum ut dictum est supra *num. 3.* complures sunt declarationes apocryphæ, ideoque nullæ fides adhibenda, nisi quæ in authentica forma producitur.

17. Objicitur sextò: Decisiones Judicum, qui omnem habent auctoritatem Principe *l. Et quia ff. de jurisd. omn. Jud.* non habere vim legis generalis, sed in-terrogare solum parendi necessitatem in par-



particulari causa in qua emanant. *Nota*  
*possunt ff. de leg.* Ergo idem quoque di-  
 cendum erit de Declarationibus S. Con-  
 gregationis. Resp. Negando paritatem,  
 nam jurisdictio aliorum Judicum restri-  
 cta est ad certas personas, & determi-  
 natos limites territorii. *l. fin. ff. de jurisd.*  
*omn. jud.* At vero cum S. Congregationis  
 Auctoritas extendat se generaliter ad o-  
 mnia Decreta Concilii declaranda pro  
 toto Orbe Christiano, Declarationes  
 ejus omnes ligant, non secus ac ipsae le-  
 ges, quas declarant, licet editae sint  
 in casu speciali, nec aliter quam respon-  
 sum Pontificis datum in particulari ca-  
 su facit commune. *c. Ex multa de Vot.*

## C A P U T X I X.

### De Congregatione super Ne- gotiis Episcoporum & Regularium.

1. Congregationis hujus instituto.
2. Negotia hic expediuntur forma extrajudi-  
 ciali.
3. Duo negotiorum genera hic tractantur.